



## UPRAVA

Strana: 1 od 1

Broj protokola:

05-1-25-1-2714-25/25

JAVNO

Datum: 17.02.2026. godine

Na osnovu člana 70. Zakona o javnim nabavkama ("Sl. glasnik BiH", br. 39/2014, 59/2022 i 50/2024), a u vezi sa članom 25. Pravilnika o javnoj nabavci roba, usluga i radova u J.P. Međunarodni aerodrom „SARAJEVO“ d.o.o. Sarajevo i člana 45. Statuta J.P. Međunarodni aerodrom "SARAJEVO" d.o.o. Sarajevo, Uprava J.P. Međunarodni aerodrom "SARAJEVO" d.o.o. Sarajevo, na 12. sjednici, održanoj dana 17.02.2026. god., donosi

## ODLUKU

I

Utvrđuje se da je ponuđač EKONOMSKI INSTITUT d.o.o. Banja Luka, čija je ponuda prihvaćena u postupku javne nabavke usluge: Procjena fer vrijednosti nekretnina, propustio da u ostavljenom roku Ugovornom organu dostavi originale ili ovjerene kopije dokumentacije iz čl. 45 ZJN.

II

PONIŠTAVA SE postupak nabavke usluge iz tačke I ove Odluke.

III

J.P. Međunarodni aerodrom "SARAJEVO" d.o.o. Sarajevo će, nakon proteka rokova za reviziju, provesti ponovljeni postupak nabavke iz tačke I ove Odluke.

## Obrazloženje

Odlukom Uprave J.P. Međunarodni aerodrom „SARAJEVO“ d.o.o. Sarajevo broj: 05-1-25-1-2714-19/25 od 22.01.2026. godine, u postupku javne nabavke usluge Procjena fer vrijednosti nekretnina, kao najpovoljnija izabrana je ponuda ponuđača „EKONOMSKI INSTITUT“ d.o.o. Banja Luka, broj: 113-1/25, zaprimljena na protokolu Društva dana 08.12.2025. godine pod brojem: 05-2-25-1-2714-12/25, sa ponuđenom cijenom u iznosu od 48.000,00 KM, bez PDV-a.

Tačkom II navedene Odluke utvrđena je obaveza izabranom ponuđaču da, u roku od sedam radnih dana od dana prijema Odluke i Obavijesti o izboru, dostavi Ugovornom organu originale ili ovjerene kopije dokumentacije iz člana 45. Zakona o javnim nabavkama.

Odluka i Obavijest dostavljene su izabranom ponuđaču dana 27.01.2026. godine, te je rok za dostavljanje tražene dokumentacije istekao dana 05.02.2026. godine. U ostavljenom roku izabrani ponuđač nije dostavio tražene originale ili ovjerene kopije dokumentacije iz člana 45. Zakona o javnim nabavkama.

Odredbom člana 72. stav (3) tačka a) Zakona o javnim nabavkama propisano je da ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač propusti da dostavi originale ili ovjerene kopije dokumentacije iz čl. 45. i 47. Zakona, u roku koji odredi ugovorni organ.

Imajući u vidu da su u predmetnom postupku zaprimljene dvije ponude, te da je samo ponuda izabranog ponuđača bila ocijenjena prihvatljivom, dok druga ponuda nije ispunjavala uslove iz tenderske dokumentacije, u konkretnom slučaju ne postoji drugorangirani ponuđač kojem bi se mogao dostaviti prijedlog ugovora u smislu člana 72. stav (3) Zakona.

Slijedom navedenog, a s obzirom na to da nijedna ponuda ne ispunjava uslove za zaključenje ugovora, ispunjeni su uslovi za poništenje postupka javne nabavke u skladu sa članom 69. Zakona o javnim nabavkama.

Sektor za administrativnu podršku je dopisom od 13.02.2026. godine predložio Upravi Društva poništenje predmetnog postupka i njegovo ponovno provođenje istim metodom nabavke.

Uprava Društva je na svojoj 12. sjednici, održanoj dana 17.02.2026. godine, razmotrila predmetni prijedlog, te je, nakon uvida u provedeni postupak utvrdivši da su ispunjeni zakonski uslovi za poništenje postupka iz člana 69. Zakona o javnim nabavkama, isti prihvatila, te je, na osnovu člana 70. Zakona o javnim nabavkama, a u vezi sa članom 25. Pravilnika o javnim nabavkama roba, usluga i radova u Društvu, donijela Odluku kao u dispozitivu.

**POUKA O PRAVNOM LIJEKU:** Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke.

v.d. DIREKTOR-a

Amadeo Mandić

## DOSTAVLJENO:

1. Upravi Društva (orig.)
2. Ponuđačima
3. Sektoru za administrativnu podršku
  - Služba nabavke (orig)
  - Služba za pravne poslove i protokol
  - Služba za finansije i knjigovodstvo
4. a/a